


暹羅舊式戲劇(名曰洛坤)



暹國之舊式音樂

人之藝術時。則購茉莉花所穿之花球。繫於名角之頭。或贈以飾物及果品紙煙等事。舉動極文明也。迴想我國之劇場。直成爲下流人尋歡之所。每見一名角上台。必大聲高呼。怪好以近之。官僚闊紳。動即揮霍其作孽之金錢。以賞伶工。蓋彼等之心目中。視伶工爲下流社會之人也。暹大君主。卽工演新劇。常在宮中扮演。華僑亦得以來賓之資格入觀。舉國劇場。向無有不購券而入座者。試看我國之劇場。早化爲軍人之俱樂部矣。

美國影劇家。曾來暹攝取各處風景。爲配演影戲之材料。先由美外交部向暹政府道意。得暹君許允。該影劇家。卽帶同技師及助手。取道來暹。由暹鐵路總辦招待。聞該影劇家。除自行攝取風景片外。另代暹羅攝一新劇。該劇本由暹君自撰。名曰(黃金之暹羅)。共分十六幕。其中情節。大略爲有一幼齡皇孫。隨駕游河。(此處表示暹羅河道風景及君主巡行扈從之盛。)不意樛嫗失手。將該皇孫墮於水中。諸侍從救護不及。後該皇孫被一舟夫所援。育於其家。及成年。相貌莊美。但操舟人之業。嗣後復有一侯爵之女。亦因游河墮水。適爲該皇孫所見。遂躍入水而援之起。(此處表示暹人冒險救人之勇敢。)女感其德。復愛其美。遂欲與之結婚。有一坎民種貴官。知其事而妒之。乃構陷該皇孫於罪。皇孫被拘。入囹圄待死。侯爵之女情急。遂挺身入宮。欲面君代白其冤。但不知暹君所在。遂乘汽車。徑入禁城。及三升御苑。四處訪探。(此處表示暹羅街道及新舊宮殿之平坦壯麗。)嗣後聞暹君駐網巴。遂至華南旁火車站乘火車前行。(此處表示暹羅鐵道交通之利便及鄉村風景)及至網巴。(此處表示天明殿風景)始知乘輿已巡幸北省。以迫不及待。遂往航空站。乘飛機前往覲見。(此處表示暹羅飛行事業之發達)劇情大概如此。聞預算排演此劇之費。約十萬左右。所費雖鉅。而此種寫真影片。在歐美開演。能使彼都人士知暹羅已爲開化之國。因名是劇爲黃金之暹羅。

暹羅之茶

中國之有茶。在二千四百年前。據魏多露氏之言。則謂其種子傳自印度土著地渣蘇。而運銷於世界之起源。實基於一千六百七十八年。(卽康熙十六年)時英國東印度公司。由華運茶葉四千七百十三磅至英。其時一般人之心理。不過以爲藥品之

用。厥後英人運售華茶。年盛一年。漸增至二萬萬磅。除銷售於英國外。餘則代銷他邦。一八一六年（即光緒十二年）華茶出口額達三萬萬磅。為出口最盛之時代。印度雖亦產茶。然出數不多。自一八三八年始以其自種之茶。運往倫敦銷售。一千八百六十年（即咸豐十年）始增至一百萬磅。大祇一八六〇年以前。中國茶葉。殆供給全世界之用。而獨享其利。後五年。華茶銷路。占世界用茶額百分之九十六。其餘四分。則被奪於印度瓜哇也。吾國茶業銷額之鉅。實促進他國注意之機。時英國本義極生如之心。力謀自種。一面鼓吹其屬地增加出產。一面試種於阿曼。以為抵制華茶之第一步。一八八八年（即光緒十四年）舉行輸入英國五十年紀念之大慶典。其時印度錫蘭等茶。已占產茶國入口茶額百分之五十。而吾稱雄世界之華茶。乃於無形中為印度錫蘭奪去過半。自是而後。印茶出口年盛一年。而華茶之銷路。則江河日下。如一九〇五年（即光緒三十年）英國所銷華茶。不過六百七十萬磅。占英國銷茶總額千分之二十四。而印度錫蘭之發達。則駭駭乎占有全英之勢。一九一六年印度全境之產額。為三百七十二兆磅。出品額占三百四十兆磅。錫蘭在一九一五年。出口額為二百十五兆磅。由是觀之。華茶安得不敗。然英國欲盡攘華茶利益之心。猶未已也。乃科入口華茶以極重之稅。而吾國輸出國外之茶。遂益細矣。然與中國茶業為敵者。日本亦大敵之一。考日本茶種。得之我國。故最能與華茶相抗。其運往美國。始於一八六〇年初。甚微少。不二十年。即能與華茶抗衡。迨至今日。竟駭駭而有得上華茶之勢。初華茶最高額為五千六百萬磅。日茶初低額在一百萬磅以下。繼而華茶銷額降至二千萬磅。日茶則升至五千二百萬磅。吾人撫今追昔。能不慨然。推其失敗之由。並非關於茶質之劣。中國之茶。其馥郁之氣味。興奮之性質。世實無其匹也。華茶運美之視某國為少者。實緣某國以種種手段。中傷我國。或著為書報。或編為影畫。曲狀吾國製茶之不潔狀態。一面又描繪其國製茶葉。士女揀茶之潔。致美人心。以華茶為穢物。且某國又深得歐人機器製茶法。廣為標榜。華茶乃益蹶矣。是中國過去之茶業。固一可恥之失敗也。夫事業之失敗。有可榮者。有可恥者。若吾國之茶。質地精美。為全球冠。光緒十二年。出口額達三萬萬磅。今乃日暮途窮。與時衰退。一九一七年。出口額減至一萬五千磅。斯真可恥之失敗也。尤可驚者。查海關貿易之冊。中國每年竟有印錫兩處之茶。入口數由二千五百萬磅。至三千萬磅。以世界堂堂產茶

之國。而有此事實。可恥而又可恥矣。一九二〇年。至一九二一年間。中國茶葉。益見退化。尤以對俄輸出之困難。為從前所未見。一九一九年冬。印錫茶價甚昂。歐人與我華交易者。尙有可觀。茲將一九一九年至一九二〇年二年間。華茶輸出狀況。詳列如次。

（單位担）

一九一九年	紅茶二八七九八	綠茶一一四九七一
一九二十年	紅茶一二七八三二	綠茶一六三九八四

以一九二〇年輸出額。與一九一九年相比較。則吾人之感想為何如。又以一九二二年而論。一厄於山價之高。視前年高出一倍。次厄於時局紛擾。三厄於俄國銷路。恢復無期。四厄於英國先令日漲。從有銷路。萬難出此高價。吾國去年。茶業之不振。是又可想而知也。中國之茶業。對英貿易。既受擠於印錫。對美貿易。復受排於日本。（以上曾分見各報）今則復受擠於暹羅。所謂四面楚歌之勢者是也。暹羅本無茶。所用者。華茶為大宗。印茶次之。以旅暹多閩粵人。所用之茶。亦多閩粵產。盤谷市上之中國茶店。觸目皆是。民國十二年。暹人以中國之茶種。而自種自製。結果甚好。其薰培之法。多由中國茶工司其事。暹茶遂於是乎誕生。華茶又多一勁敵矣。中國之茶。本為出口之大宗。今則日見衰落。不知一般實業家。何以善其後也。

暹羅之土敏土

暹羅士敏土廠。開辦至今。頗為發達。該廠十週年紀念時。各股東均到廠會議。主席為西人古律打氏。是日古律打氏。因事不暇。後由西人伊志可路氏代表。詳述該廠開辦經過情形。並商議將來經營計劃。該廠自暹羅佛歷二四五六六年三月一號成立。（即公歷六月一號）至二四五八年二月開始製造。當時每日僅出土敏泥一百桶。至二四六四年。添置機件。每日製出之坭。約一千桶。去年又擴充改良。現每年可能製造土敏泥三十萬桶。現在廠內每日所用之原料。暹地原屬不敷。每年向外國購辦亦不少。惟銷路全靠暹國全境。銷于國外者。每年不過一萬桶左右。聞該廠此後分銷于荷屬南洋各屬地。大約預算每年銷路。由五萬桶至八萬桶。然後再推廣銷路于其他各地。又此後之原料。擬在暹國各省開採以供用。該廠之股東為暹人在三星區。距火